

SAMÞYKKT

um stjórn bæjarmálefna Kópavogskaupstaðar.

1. gr.

Bæjarstjórn Kópavogskaupstaðar er skipuð 7 kjörnum bæjarfulltrúum. Þeir taka ákvarðanir á bæjarstjórnarfundum um þau málefni, sem bæinn varða og til bæjarstjórnar koma. Auk bæjarfulltrúa er bæjarstjóra skylt að sitja fundi bæjarstjórnarnarinnar. Hann hefur þar málfrelsi og tillögurétt, en ekki á hann þar atkvæði, nema hann sé jafnframt bæjarfulltrúi.

2. gr.

Störf bæjarstjórnarnarinnar eru þessi:

1. Hún fer með fjármál bæjarins. Hún kveður á um lántökur handa bænum og gerir samninga um þau efni, gerir áætlanir um tekjur hans og gjöld, hvert almanaksár, og úrskurðar reikninga hans. Eigi má greiða fé úr bæjarsjóði, nema heimild sé til þess í fjárhagsáetlun bæjarins eða annarri ákvörðun bæjarstjórnar.
2. Hún setur reglur um stjórn bæjarmála, þar á meðal um meðferð á eignum bæjarins, samkvæmt gildandi réttarreglum.
3. Hún kýs nefndir, bæjarráð, bæjarstjóra og endurskoðendur reikninga bæjarins, ákveður laun þeirra og annarra fastra starfsmanna bæjarins.
4. Hún fer með önnur mál, er til hennar koma að tilhlutun stjórnarvalda, nefnda eða bæjarráðs, og kemur fram fyrir bæjarins hönd um samninga og fyrirsvar bæjarins að öðru leyti, nema öðrum sé það falið.
5. Bæjarstjórn getur tekið til meðferðar hvert það málefni, sem bæinn varðar og réttilega er undir hana boríð. Bæjarfulltrúum er heimilt að sjá bækur og skjöl bæjarins.

3. gr.

Pessar fastanefndir skal bæjarstjórn kjósa til eins árs, nema öðruvísi sé ákveðið í lögum, að viðhafði hlutfallskosningu, að því leyti sem þess er kostur:

1. Byggingarnefnd.
2. Hafnarnefnd.
3. Barnaverndarnefnd.
4. Fræðsluráð.
5. Sjúkrasamlagsstjórn.
6. Heilbrigðisnefnd.
7. Íþróttanefnd.
8. Kjörstjórn.

Auk þess kýs bæjarstjórn bæjarráð og endurskoðendur bæjarreikninga, svo og aðrar þær nefndir, sem nauðsyn krefur eða skylt er samkvæmt sérstökum lögum. Þeir utanbæjarstjórnarmenn, sem kosnir eru í nefndir pessar, geta neitað endurkosningu að kjörtímabilinu loknu, um eitt kjörtímabil.

4. gr.

Bæjarstjórn getur skipað fulltrúa í sérstakar nefndir (lausanefndir) til þess að ihuga og undirbúa einstök mál. Svo getur bæjarstjórn og falið bæjarstjóra og bæjarráði eða einstökum fulltrúum athugun og undirbúning einstakra málefna. Rétt er bæjarstjórn að taka til umræðu og ályktunar málefni, þótt nefnd, bæjarstjóri eða bæjarráð hafi það til meðferðar, eftir þeim reglum, sem í fundarsköpum segir.

5. gr.

Ef bæjarfulltrúi, kosinn í nefnd, forfallast eða getur ekki gegnt störfum sakir fjarvistar, eða hans missir við með öllu, þá tekur sæti hans varamaður samkvæmt þar um settum reglum.

22

5. marz

6. gr.

Bæjarstjórn er rétt og skylt að sækja fundi fastanefnda þeirra, sem hann á sæti í. Hann hefur þar sömu réttindi og á bæjarstjórnarfundum, samkv. 1. gr. Rétt er, að bæjarstjóri sé formaður þeirra nefnda, sem hann á sæti í, vegna embættisstöðu sinnar.

7. gr.

Byggingarnefnd skipa 4 menn, auk bæjarstjóra, sem er sjálfkjörinn formaður nefndarinnar lögum samkvæmt. Tveir hinna kjörnu nefndarmanna skulu vera bæjarfulltrúar, en tveir utan bæjarstjórnar. Byggingarfulltrúi er skylt að sitja fundi byggingarnefndar. Byggingarnefnd annast byggingarmálefni bæjarins samkvæmt fyrirmælum í lögum og samþykktum um þau mál.

8. gr.

Hafnarnefnd skipa 5 menn, kosnir af bæjarstjórn. Hafnarnefnd annast stjórn og framkvæmdir hafnarmála, þar á meðal eftirlit með höfninni, samkvæmt fyrirmælum þeim, sem þar um gilda.

9. gr.

Barnaverndarnefnd er skipuð 3 mönnum, kosnum af bæjarstjórn. Nefndin hefur á hendi eftirlit með uppeldi barna innan 16 ára aldurs og vanþroska eða veikra unglings, sbr. lög um barnavernd.

10. gr.

Fræðsluráð er skipað 5 mönnum, og kýs bæjarstjórn þá alla. Fræðsluráð hefur umsjón og eftirlit með fræðslumá�um bæjarins samkvæmt lögum þar um. Fræðsluráð skal hafa á hendi skólanefndarstörf fyrir barnaskóla og skóla gagnfræðastigsins.

11. gr.

Í sjúkrasamlagsstjórn kýs bæjarstjórn 4 menn, en formaður er skipaður af ráðherra. Sjúkrasamlagsstjórn hefur með höndum þau mál, er sjúkrasamlagið varða, samkvæmt lögum þar um.

12. gr.

Í heilbrigðisnefnd eru sjálfkjörnir bæjarfógeti, sem er formaður hennar, og hér-aðslæknir. Bæjarstjórn kýs 3 menn í nefndina. Nefndin starfar samkvæmt lögum og heilbrigðissamþykkt bæjarins.

13. gr.

Kjörstjórn er kosin og starfar samkvæmt fyrirmælum kosningalaga.

14. gr.

Bæjarráð er skipað 3 mönnum, sem bæjarstjórn kýs úr sínum hópi. Auk þess á bæjarstjóri sæti á bæjarráðsfundum, með sömu réttindum og á bæjarstjórnarfundum, samkv. 1. gr. Ef bæjarráðsmaður forfallast, eða hans missir við, tekur sæti hans varamaður af sama lista sem aðalmaður, fyrist bæjarfulltrúi eða fulltrúar, ef ef til eru og ekki forfallaðir, annars varamaður af listanum í sömu röð og þeir mæta á bæjarstjórnarfundum. Bæjarstjórn getur með einfaldri ályktun ákveðið aðra tölu bæjarráðsmanna. Bæjarráð kýs sér formann og ritara. Hlutkesti ræður, ef tveir fá jöfn atkvæði. Bæjarráð hefur til meðferðar þau mál, sem varða fjárhag bæjarins,

22 undirbýr fjárhagsáætlun, ákveður bókhaldsfyrirkomulag og hefur yfirumsjón með 5. mars skipulagsmálum. Það hefur og á hendi, ásamt bæjarstjóra, umsjón með fasteignum bæjarins og öðrum þeim eignum, sem ekki eru í umsjón annarra nefnda samkvæmt samþykkt þessari eða sérstökum samþykktum. Til bæjarráðs má einnig vísa öðrum þeim málum, þótt ekki snerti fjárréiður bæjarins, sem ekki verður séð, að séu á verksviði annarra nefnda bæjarins eða bæjarstjórn ákveður að fela öðrum. Bæjarráð heldur að jafnaði einn fund í viku og oftar, ef bæjarstjóri eða meiri hluti bæjarráðsmanna óskar þess. Á fundum ræður afl atkvæða. Bæjarráðsmenn fá þóknun fyrir störf sín, svo sem bæjarstjórn ákveður.

15. gr.

Bæjarstjóri annast framkvæmdir á ákvörðunum bæjarstjórnar og nefnda, sem ráða málum til úrslita, nema þær séu öðrum faldar. Hann veitir forstöðu fjármálum bæjarins, ávisar útgjöldum bæjarsjóðs, hefur á hendi umsjón með stjórn á innheimtu bæjartekna og umsjón sérstakra sjóða í vörzlum bæjarins. Hann sér um að gerðir séu reikningar bæjarins og skýrslur um eignir og skuldir, hefur umsjón með stjórn bæjargjaldkera á bæjarsjóði og innheimtu tekna bæjarins og stofnana hans. Hann annast bréfagerðir bæjarstjórnar og nefnda og hefur eftirlit með starfsmönnum bæjarins og störfum þeirra. Í forföllum bæjarstjóra gegnir fulltrúi hans störfum hans, nema þau séu sérstaklega öðrum falin.

16. gr.

Arsreikningar bæjarsjóðs og hafnarsjóðs skulu samdir fyrir 1. apríl. Skulu endurskoðendur bæjarins síðan innan 4 vikna hafa lokið endurskoðun sinni á reikningunum. Bæjarráð gerir svo, með ráði endurskoðenda, tillögur um reikningana fyrir 15. maí, og skulu þeir þá lagðir fyrir bæjarstjórn, samkvæmt ákvæðum laga um bæjarstjórn í Kópavogi.

17. gr.

Um skipun niðurjöfnunarnefndar, álagning bæjargjalda, gjalddaga og ábyrgð á greiðslum þeirra, fer að lögum um útsvör. Ef bæjargjöld eru ekki greidd á gjalddaga, her að innheimta þau svo fljótt, sem kostur er, og með lögtaki, ef á þarf að halda.

18. gr.

Til þess að breyta samþykkt þessari þarf umræður á tveim fundum í bæjarstjórn og samþykki meiri hluta atkvæða.

Samþykkt þessi, sem bæjarstjórn Kópavogskaupstaðar hefur gert samkvæmt lögum nr. 30 11. maí 1955, sbr. lög nr. 81 23. júní 1936, er hér með staðfest til að öðlast gildi þegar í stað.

Félagsmálaráðuneytið, 5. mars 1956.

F. h. r.

Hjálmar Vilhjálmsson.

Hallgrímur Dalberg.